



Hmasawna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Daily & Direct Service
JIRIBAM / HMARKHAWLIEN
C/o Babita # 9862129273

Hmasawna Thar Vol - 32/186

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

“ মখোয়গী মরুন্দি য়ৌরে ।
ঐখোয়গী মরুন্দি য়ৌবা ঙুমদরে ।
লৈবাক মচাশা, চেন্দুনা শিবদি ফত্তে”
- পাউনা ব্রজবাসি

ছ'শতশৈ ঙুং ১০১৯ KHONGJOM DAY-2017 খোংজোম নুমিৎ ২০১৭

**VAWISUN HIN 1891 A ANGLO-MANIPUR
IDONAA, RAM TA DINGA AN HRINGNA HLUTAK
LO INHLAN, MANIPURI MI HUOISEN HAI
HRIETZINGNA LE INZANA SUKLANGNA DINGIN
“KHONGJOM DAY”
EI HMANG A NIH.**

**HI HUN MI HUNG HMANGPUI DINGIN MI TUEL
KHAWM FIEL SENG EI NIH**

**A HMUN : KHONGJOM WAR MEMORIAL
KHEBA CHING, THOUBAL
A HUN : 9:00 A.M.**

**DEPARTMENT OF INFORMATION & PUBLIC RELATIONS
Government of Manipur**

ADC, CCPur- a MDCs 25 le Wongoi Minicipal Council hnuoia Councilors 14 han BJP an zawm; ADC, CCPur Chairman le Vice-Chairman thar dingin Khaipao Haokip le V.Khaikhanmung

IMPHAL: Autonomous District Council, Churachandpur a MDCs 25 le Wongoi Municipal Council hnuoia Councilors 14 han BJP an zawm tawl. MDCs 25 le Councilors 14 hai hi zanikhan BJP, Manipur Pradesh Office, Nityapat Chuthek, Imphal hmuna puithu taka lawmlutna inkhawm BJP, Manipur Pradesh chun a huohawt. Hi huna hin CM N.Biren Singh, BJP Manipur Pradesh President K.Bhabananda, Ministers, Parliamentary Secretaries, Party thuotuhai le mipawimaw dang danghai an



thang tawl. ADC, Churachandpur a MDCs 25 BJP zawm hai chu Khaipao Haokip, V.Khaikhanmung, Langkhanpau Guite, Lal Hossan, Lalhmangpui, Selenmang Khongsai, C.T.Lian, M.Gouzamang, Puntulthang Lenzaw, K.Chonse, Paolal Haokip, T.Pumkhanlian, Grace Zamneiching, Thangkho-suanmung, Hausuanthang, P./Kamkholal, Ngamhao Touthang, Lalhrillien (Hrila) Hmar, Lalditsang, Hol-jang Haokip, M.Chungpa Kom, Genneikhup Vaiphei, G.Suanchinpau, Khaikhomang le Jamchinthang hai an nih. ADC, CCPur CHairman thar dingin Khaipao Haokip le Vice Chairman dingin V.Khaikhanmung hai thlang an nih. ADC, CCPur a hin MDCs 26 um a, Demmang Haokip a thi lein seat 1 a ruoka um a nih. Wangoi Municipal Council a Councilors 14 BJP zawm hai chu Kh. Mema, L.Babita, Th.Inaoton, Ch.Priyobarta, Md. Juiyesh Khan, Kh. Nilkomol, Ch. Minaku-

mari, O.Jiten, Th.Hemabati, Ch.Thamil, Th.Brajamani, Th.Ibetombi, Ch.Yaima le Th.Ranjit hai an nih. BJP thuoia hnuoia Manipur a Coalition sawrkar thla khat le ni tlawmte chaua upa a la ni a. Hi hun sung chau khawm hin mipuihai thatna dingin programme hran hran a thaw ta a, thlierbik nei lova a sinthaw an hmu lein mipui aiaw dinga thlang han BJP an hung zawm belsei pei a nih. Pindan khu em em sunga mi thenkhat an um a, boruok thienghlim an hip nuom a, an lo suokdawk chu iem a pawina a um a? Mipui han ka sawrkar an ringzo hin a mi suklawm

a, hieng lai zing hin ka insung laia mi pakhatin thil indik naw chite a lo thaw leia mipui ringzona hung bop ha ding hi kan lau hie a nih. BJP thuoia hnuoia coalition sawrkar thiltum chu mihriem hmangaina neia hmasawna sinthaw hi a nih. Ka sawrkar chun chi le kuong, hnam le sakhuo ending le thlierbik nei naw nih tiin CM N.Biren Singh in thu a hril huna a hril. CM N.Biren Singh chun BJP zawm thar MDC-hai chun Churachandpur District mipuihai ta dinga inthuruo taka sin an hung thaw ngei a beisei thun le mipuihai ringzo a hung um ding, ADC member-

hai chu JAC leh inbie a, mithiruong 8 hai vui an hung ni theina dinga hma la dingin a ngen. A sawrkar nget le nget naw ding thuah thuovuanga a tam a, coalition sawrkar thang hai laichinna a tha a, sawrkar cheltu tieng thang MLAs han selkaltu pawl an zawmna ding lampui a um nawh. Ruling Party MLAs han an party an suoksan ding ti chu thil thei lo a nih tiin N.Biren Singh chun a hril. Ukhurul District package thenkhatin an sawisel a, hi package hi a tlawm tham a, hi neka tam lem hi pek le hmang pei a la hung ni ding a nih tiin N.Biren Singh chun a hril.

ADC Chairman an ban;



CCPUR: 11th Manipur Legislative Assembly Election, 2017 zo a ni hnunga party mala seat larawn tak dawttu BJP in party dang dang hai le Independent MLA thlawpnaa Manipur a sawrkarna an hung siem chun state Assembly a chau ni loin District Council haia BJP thli a hrang mek a. Autonomous District Council (ADC), CCPur khawm BJP thli hrang mek hin a hung mut a, a term hninaa ADC/CCPUR Chairman ni lai mek Langkhanpau Guite Chairman a ninaw inthawk an ban le inzawmin ADC/CCPUR sunga inremtharna a tlung. Hi dungzui hin 13-Kholmun ADC biela MDC Pu Khaipao Ha-

Asia khawmuolpuia Kristien Biekin lientak zanikhan Zunheboto hmuna hawng a nih

ZUNHEBOTO: Asia khawmuolpuia Kristien Biekin lientak, mihriem 8500 chuong inleng theina ding chu zanikhan Nagaland-a Zunheboto district-ah hawng a nih. Biekin hawnga um hi Sumi Baptist Church, Zunheboto Biekin a nih. Hi Biekin hi May 5, 2007 a inthawka kha Rs. 10.5 crore budget siema bawl tan a ni a, sienkhawm thil man a hung kaisang pei lein bawlo a ni chena hin Rs. 36 crore zet seng a nih. Hi biekin bawl na ding hin Kolkata-a Engineer Consultancy company M/s Map Project Service Pvt. Ltd. le Dimapur-a Architect Firm M/s Akitekura, Dimapur a ni a, Biekin inthutna hi 23,73,476 Sq.ft. a lien a nih. Hi Biekin-a hman ding dar (bell) hi kg. 500 zeta rik (93% brass le 7% tin) niin Poland rama inthawka



phurlut a ni a, a dar (bell) man ringawt khawm hi Rs. 15 lakh zet a nih. Hi Biekin bawl na ding le inzawm hin Nagaland sawrkar chun ramdangmi mistiri 2000 neka tam kuomah lakluta dingin Inner Line Permit a pek pha baw a nih. Ei thu dawngnain a hril danin Hi Biekin bawl na sum seng 50% chu Sumi Baptist Church, Zunheboto (SBCZ) in an tum a ni a, a dang chu 10% chu mi tlawmngai hai thawkhawm an ni a, 40% dang chu Kohran member dang dang hai lai an sum nei dan izira group 5-a thein bituk siema an thawkhawm a nih.

Khongjom Day-ah Governor khuollienin

IMPHAL: Vawituk hin Khabaching a Khongjom Day ursun taka hmang ning a tih. Hi huna hin Governor Dr.Najma A.Heptulla khuollienin thang a tih. Hi hunser hmangna hin CM, Ministers, Parliamentary Secretaries, MLAs, Police le civil tieng officer lien hai khawm thang an tih. Khongjom Day hmangna thang nuom mipui phur-

Ex-Servicemen Rally nei

IMPHAL: Zanikhan Mantripukhri-ah Assam Rifles Ex-Servicemen Rally nei a ni a, Ex-servicemen 1000 deuthaw an thang. Hi huna hin Major General Virendra Singh in

YAS Minister in a va en



IMPHAL: Zanikhan YAS Minister Letpao Haokip chun Khuman Lampak Sports Complex a va sir a, Khuman Lampak Sports Complex sukliena dinga sin thawa um chu a hmun ngeiah a va en. Sin thawa um chu a hrat naw taluo tiin sin thaw-

Projects enkaipuitu ding Officers 5 ruot

IMPHAL: Civil Services Day, 2017 hmang huna thurawn lut dungzuiin Mr N. Ashok Kumar, Secretary (DP), Govt. of Manipur chun Governor hmangin zanikhan District tum tum, a bikin hill districts haia ADCs, le Projects tum tum thawa um hai enkaipuitu dingin Officers 5 a ruot. Chuonghai chu, Churachandpur, Pherzawl district a dingin M.H. Khan, IAS; Senapati, Kangpokri district a dingin P. Vaiphei, IAS; Ukhrul, Kamjong district a dingin Vineet Joshi, IAS;

CHANCHIN LAKTAWI

HMARTOB meeting

CCPUR: April 23, 2017 (Pathienni) 1PM hin Pu Lalvullien Hmar, Chairman, HMARTOB chengnain, Rengkai Zote Veng-ah HMARTOB meeting a ko. Meeting huna hin members, Match officials, advisers le mawphurna nei hai thang seng dinga inhratir an nih. Meeting zo zantieng bufak siem ning a tih.

WBCWPP in Sharing inkhawm

CCPUR: Evangelical Baptist Convention (EBC) hnuoia Worker Pensioner Prayer Fellowship (EBC-WCPWF) chun April 22, 2017; 10:00 - 2:00PM inkar sung khang Chhungi Prayer Hall, GBC Campus, New Lamka-ah Sharing le tawngtairuolna hun a vawirukna an hmang.

Tribal Movement ni 600 tlingna inser



CCPUR: Joint Action Committee Against Anti-Tribal Bills (JAC-AATB) irawinain zani sun dar 11 a inthawk khan YPA GHQ Hall, Hiangtam Lamka hmuna Manipur Assembly in Anti-Tribal Bills 3 a passed hai dodalna le inzawma Tribal Movement ni 600 tling inserta le Tribal martyrs hai sunna le bungheia tawngtairuolna hun hmang a nih. Hun hmangna Thangzang in an rawi a, Pastor MC Pau Khan Tuing in hun hawng tawngt aina neiin tribal martyrs hai inzana pek an ni a, H. Mangchinkhup, Chief Convenor, JACAAATB in lawm-



lutna thucha le keynote a hril a, Rev. V. Khamvum, Principal, Grace Bible College in Ni 600 tlingna thucha a hril a, Pauthianmuang, Lecturer, GBC irawinain mipuiin tawngt airuolna hun an hmang. Hi ni inser lei hin CCPur khawpui sunga Lamka area haia chun dawr le bazar hai khar an nih. H. Mangchinkhup chun Manipur-a BJP sawrkarin Bill 3 hai leia thina le hliemna tlung chungthua inremna a um theina dinga inbiek dinga a fielangin consultation nei a ni hnungah inbiekna nei a ni ta thu le sawrkar le inbiekna hai report a pek bakah Char-

World Earth Day hmang



IMPHAL: Zanikhan Forest 7 Environment Department huohawtnain Manipur State Film Development Society (MSFDS) Hall, Konung Mamang, Imphal-ah "Environment and Climate Literacy" ti thupuia hmangin World Earth Day hmang a nih. Hi huna khuollien Forest & Environment Minister Th.Shyamkumar Singh chun, zirtietu le students hai chu school compound le an chengna in bul haiah thinkkak tam lem phun dingin a ngen tawl. Ei khavvel inhawi beu a hlou a ni theina ding chun thing le ruo hai venghin hi ei mawphurna seng a ni a, nghawk lova ei thaw pei ding a nih tiin a hril baw.

EC in AIADMK faction hai Affidavit pelut dingin

NEW DELHI: Election Commission chun AIADMK faction pahni han a ziding lem nina le party symbol an inchna le inzawma an party symbol a cheltang pekna June 16, 2017 chena dinga a keiseipek nawk hnungin party symbol (hna pahni lim) neitu an ni lemzie thlawpna affidavit pelut dingin faction pahni hai hi an hrietir. Hieng laizing hin AIADMK faction pahni - tuta Tamil Nadu Chief Minister ni lai mek Edappadi K. Palaniswamy le CM hlui O.Paneerselvam hai chun party pakhata um khawm nawk dan lampui dapin an indawr mek a nih. (AIR)

HT weekly-t00n



MELC LYF Diamond Jubilee hmang

CCPUR: Manipur Evangelical Lutheran Church (MELC) hnuoia Thalai Pawl Lutheran Youth Fellowship (LYF) GHQ chun zanikhan MELC HQ Church, Zomi Colony ah LYF Golden Jubilee hmangna an sunzawm a, zani sun inkhawm huna Pastor Kapsuankhup, Shilong chun "Abide in Me" ti thupui hmangin Pa-

BYF in social work

CCPUR: Baptist Youth Fellowship (BYF) Central Lamka chun zani zingkar khan New Bazar Junior School campus-ah inthiefaina sin an nei. Hi huna hin BYF Central Lamka sunga thalai tam tak an thang.

Bijang kum 100 tling lawmna an nei

CCPUR: Zanikhan "His Presence, Our Habitat" ti thupui hmangin Bijang khuo hlou tan a nia inthawka kum 100 tlingna Centenary Bijang Playground, Bijang, CCPur hmuna hmang a ni a, hupui tak chu Bijang Community Hall-ah hmang a ni a, Touthang bulpui pa Haojathang Touthang chun Bijang kum 100 tling hrietzingna Centenary lungdaw hawngna a nei a, Rev. Dino L. Touthang in lungdaw inhlanna a nei a, Haojathang Touthang hmawhuoinain Bijang khawmung a cheng Inkhat pa 100 han Centenary dar vuokna an nei. Hi huna

gical Churches ECA, Chongthu Baptist Church- Evangelical Synod Church ESC hai an um a, Government office tum tum 10, Orphanage home pakhat Sanga Muon Inn thangin Non-Governmental Organization NGO 3, College pakhat, Bethany Christian College le khawper (Hamlet) 12, B Vengnom, B Buite Veng, B Aijalon, B Singcha Kthoth, Bijang Ebenezer, Bijang C Phailen, Bijang Theimol, Bijang HB Phaicham, Bijang GAMBomjang, Bijang Moltuih Kthoth le Bijang Phainom hai an um a nih.

hin Rev. Dino L Touthang, Bijang Women Welfare Association, Bijang youth club le khawmung upa han thurhina hun an hmang. T. Holkhosei, Chief of Bijang chun Bijang khuo kum 100 a tling ta le inzawmin khawmung inhrithiemnawna um hai, mimal le mimal kara intheidana um hai peihmang le theinghila inrem taka um

WHO KILLED JESUS? (ISU KHA TU NAM A THAT LIE?)

“...nangni'n misuolhai kutin kros ah in hemde a, in sukhlum ta a”. Thilthawhai 2:23

Rev. Dr. H.M.Songate Songate

Naupang ruol ko khawm inla, ‘Isu in that mav?’ tiin a chungu thu khi hang indawn sin ta u! Thi ngamin a thalin thang an khaw seng ka ring! Nutling le patling ngei ngei khawm ‘Isu thattu!’ tiin mi ko hai sien chu, ei awmah thuok ei lak hman el awm! Tuolthattu ni chu tukhawmin an nuom nawh a, Isu Krista thattu a intum lem chu tukhawm an nuom naw nisien a hawi. Tienlaia (middle ages) inthawk khan Judahai hi Isu thattu a intum anni hlaka. Hi lei hin iemanizat that in an lo um pha ta nghe nghe a nih. Chuleiin, mawinaw le indiknaw takin Judahai hi “Christ- Killers” (Krista thattu) tiin an lo ko hiei a nih! An leh, khawvel popin a buopui luoi luoi el le thina popa rapthlak ta an hril- Isu thina hi alo ni si chun, tuhai thilthaw am a na? Judahain an that ning a ti? Israelhai kha Hitler le a rawihain maktaduoi ruk lai an lo that kha mi popo in ei hriet senga, iengkawm buoina ding le mi dang intum ding an um nawh a. Hitler ani zie kha mi popo an chueng a nih. Amirokchu, Isu thina chungchang ruok hi chu kum zabi (centuries) iemani zat inselna a ni tah (Dave Egner). Tulai social networkah “Isu hi Hmarhai that a nih” ti dam, “Isu hi Khasihai that a nih” ti dam, “Isu hi Paitehai that a nih” ti dam, “Isu hi Nepali hai that a nih” ti damin, hnam dang dang hming hang post sin inla chu, (Death warrant) *‘Thi dinga warning mi pe’* an tam hle ka ring! Fiemthu khawma thaw ngam chi ni naw tawp a ti! Chuong an leh, Isu kha tuhai sukhlum an ning a ta?

An leh, Tuhai that am a na?: Chanchintha Mathai chun Rome mihai kha Isu thattu ah an tum a. A san chu, Pilat kha Rome mihai aiawtu-Governor ani lein le Isu kha that dinga pedawktu ah an intum lein. Mathai 27:15-56 chen ei hang en vang vang chun, Pilat khan mawphurna chin nei sienkhawm, Romans (Rom mihai) kha hang intum el thei dingin an lang nawh. Isu thi ding khan mawphurna a lak ngam naw lein suonlam ding ramtin a maikhawm a. Isu kha insuo a nuom luotin “**Tum insuo pek inla cheu in nuom a? Barabba am, Isu Krista an ti chu?**” (Math 27:17) a ta. A lungril tak chun, Isu kha iengkawm suksele ani lein Barabba kha an thlang lem a ringnaw hulhuol lei a nih. “**Thikna lei (mei mei) an inmantir ani ti a hriet si a**” (Math 27:18). Chulai zing chun, Pilat a nuhmei khan mang maktak el a la hung nei nawk ngal a. “**Kha mifeltak chungu khan iengkawm thaw naw rawh; wawusin hin ama lein mang tieng thil tamtak ka tuor a nih**” (19) ala hung ni ta deu deu nawk ngal a. Pilat ringnaw ang tak khan mipui popin ‘**Barabba**’ insuo lem dingin an khek thup thup el bawk si. In hril daw k a tum luotin, “**Isu Krista hi iem law’ng ka ti leh?**” (22) a hang ti dek dek a. A ringnaw tieng takin “**Kros-ah hemde rawh**” hung tiin an hung khek khum nawk el ta bawk si. Isu kha suol neilo ani zie a chieng taluo lein, huosen deuin “**Ieng dingin am? Iem a suk suol leh?**” a hang ti nawk a. “**Kros-ah hemde rawh**” tiin an khek khum zui ta pei a nih. A beidawng luotin, mipui popo hmu hawiah a kut a sawp a, “**Hi mifel thisena hin kan thieng. Nangnin in thaw thaw in thaw ro**” ati ta hlawl el a (24). Krosa hemde ding chun an hlan ngam el naw a. Mipuihai

khan tharum le tam delin “**A thisen chu keini chungu le kan nauhai chungah im raw se**” tiin a dawn a (25). “**Chu zovah chun Barabba chu an suo pek a; Isu chu a vuok a, krosa hemde dingin a pek tah a**” (26). Hotu huosen le roruntak ani naw lein, mipui zai ngain ro a sukhluk ta a nih. Chuleiin, Pilat le Rom sipaihai kha Isu thina chungah maw an phur zie Mathai kha a hung detail a nih.

Peter in Judahai an tum: Kar tlawmte hnungah, Pentecost ni in, ropui taka thlarau thienghlim a hung tum ni kha; Peterin “**Nangnin misuolhai kutin kros-ah in hemde a, in sukhlum ta**” (Thilthawhai 2:23) tiin a thu ngaituhai, a bik takin Judahai kha a hang kaw k a nih. An leh, Isu kha Judahai sukhlum a ni? Jengleia Judahai chaw an tum anga um a na? ‘*kros-ah hemde rawh*’ tituhai kha Judahai chaw an ni? A thuhiril ngaituhai (audience) an ni lei chawin anni kha a hang kaw k nisien a hawi. “*Hemde rawh*” ti tuhai lai kha Juda mi naw khawm an um sa chu ring a um. Tirkio Thilthawhaia hin wavi sari tawp an ditaw le an hnawl, ‘*Nazareth Isu*’ tia an ko kha Messiah ani zie uor takin zie k a nih (2:22; 3:6; 4:10; 6:14; 10:38; 22:8; 26:9). Chuleiin, Judahai chaw intum theina ngirhmunah an um hrim a nih. Amirokchu, bible thu hmun dang chu ei hang en chun, Judahai hang papek wawng el hi thil indiktak nisien a hawi nawh. 2 Korin 5:14 ah Paul in “**Mi popo thi aiin Mi pakhat a thi a, chuleiin, mi popo chu an thi a nih**” a lo ti h a. chun, (15) ah “**a hringhai chu anni ta dinga hring ni talowa, an thi aia thia, thonawk tading chun an hring talem na dingin a nih**” alo ti nawk a. Chang (21) ah “**Suol hrim hrim hreluo chu Pathienin eini lein soulah a siem ta si a**” a hung ti nawk a. John 3:16 ah “**Pathien in khawvel a hmgai emem a, chuongchun a nau pakhat neisun chu a pek a**”, ati nawk a. Bible hmun dang dangah ei en hin Isu hungna san le thina san kha Pilat le Rome sipaihai lei ani hmu ding a um der nawh a. Chum, Judahai leia hung pieng le thi ani khawm an zie k baw k nawh a. Mi popo an huomtir tawp el ani baw k si.

Chuong an leh, tunam a sukhlum a?: Chuleiin, Isu a thi ding khan hmganguo in mi dang dang hung hmgai sien khawm, a thina san tak chu ‘*MI POPO*’ tading alo ni tlat el. Isai 53:5 ah “**Nisienlahkawm, ama chu ei bawsietnahai lein inhlieim in uum a, ei khawhlonahai lein vuok thidukin a um a; ei thlamuogna dingin thununna chu a chungah a tla a, an vuokna inuolhaia sukdam in ei um tah**” a lo ti h. Chuleiin, chieng emem in Isu thinaah khan mawphurna ei lo nei seng a, a thina khawm kha ei renga tading alo nih. Rom sipaihai le Judahain an lo that el ni lovin ei reing in Isu thina ah mawphurna ei nei a nih. Chu mawphurna hiphthalakna dingin ‘*Sandamtu a pawm*’ kha ei renga ei mawphurna a nih. Chuleiin, thudik tak chu Isu kha ei reing in lo sukhlum alo nih! Mi dang intum thei ani nawh. Ei renga ei suolna kha Isu hringna kha a lo lak a nih. Chu thina lei chun chatuon hringna ei lo dawng pha a nih. Hlak chu, eini rawi sukhlum alo ni zing a!



Office of the
District Health Society, Churachandpur
No.Vehicle/RBSK/DHS/CCP-2015

TENDER NOTICE

CCPur, the 21st April, 2017

District Health Society, Churachandpur inviting tender from interested individual/vendor (s) for outsourcing 5 (five) vehicle preferably Bolero in the implementation of Rashtriya Bal Swasthya Karyakram (RBSK) Programme of Churachandpur District.

- The eligible vendor (s) or individual should be from the Blocks- Henglep, Tipaimukh, Thanlon, Singngat and Samulamlan where RBSK Teams are posted.
- An MoU is to be signed between District Health Society, Churachandpur and vendor or individual with 11 months validity of the same from the date of issue of the order.
- The monthly remuneration is negotiable.
- Applications from any interested individual should reach District Health Society, Churachandpur before 28th April, 2017.

Sd/-
CMO/District Mission Director
DHS, Churachandpur

LAWMTHU HRILNA

Hun sawt takel Sinus ka nei lei- in inthuk harsa ka ti a., inzing takin kan khul a, ka hnar sungah hnei a hung um a, a changin ka hnara inthawk thisen a hung suok bakah ka nakawr a hung sen hlak. Ka beidawngin MV Azad Phusam ka pan a, khun iemani chen a mi enkawl a, tuhin chu ka dam tha ta a, hi lei hin MV Azad Phusam chung- kah ka lawm hle a, hi Chanchinbu hmgai hin lawmthu ka hung hril. MV Azad Phusam hi nitin 8AM-4PM inkar sungin Teddim Road, Old Bazar, Near Lamka ICI Church Road-ah pan thei a nih. Chum, contact Nos. 8014025567/ 7628890261 haiah inbiokpui thei a ni baw k.

Lawmthu hriltu,
Sd/- Robert
PCI Colony, CCPur

Punjab sawrkarin VIP security a sukhlawm

CHANDIGARH: Capt. Amarinder Singh inrawinaa Punjab-a Congress sawrkar chun a state sunga VIP hai vengtu security a sukhlawm.



Hi thil hi zani hmasaa Chief Minister Amarinder Singh inrawinaa Security review meeting huna an rel dungzuia thaw a nih. Security review meeting- a hin Chief Principal Secretary Suresh Kumar, DGP Suresh Arora le ADGP (Intelligence) Dinkar Gupta hai khawm an thng.

VIP security sukhlawm hai lai hin Chief Minister vengtu khawm a thngasa

a. tuta hmaa VIP vengtu security 1,392 ni hlak chu 1,016 a sukhlawm a ni a, categories dang dang Constitutional le government officer hai vengtu security personel 1,500 a sukhlawm/ lakkar an nih.

Tuta hma kha Mr Amarinder Singh chun an zinna lampuia sipai/ security tirlu ta lo dingin Order a lo insuo ta bakah security tul bak chu vengtu a ditnaw

thu a lo hril ta a nih. Security review meeting nawk hunah report dungzuin Chief Minister vengtu (security) hai la sukhlawm nawk ni el theia hril a nih.

Mr Amarinder Singh chun Police le security agencies hai chu tuta Security policy hmgai mek Punjab Cabinet in a lo pawmpui ta chu enawna, a kuoma report pe dingin an hrietir baw k.

March thlaa security review meeting nei hmasa tak tum kha category tum tuma VIPs vengtu Police le paramilitary personnel 479 a sukhlawm a lo ni ta baw k a nih. (ENS)

MCI in doctor hai generic drugs chau prescribe dingin

NEW DELHI: Medical Council of India (MCI) chun Medical practitioners (doctors) hai chu an damnaw en hai damdawi ding an ziekpek huna generic drugs chau ziekpek ta hlak dingin an hrietir a, hi dan zawm lo hai chungu action lak ni dingin a hril.

Tulai hnai ela Surat hmuna PM Narendra Modi in Multi-specialty hospital a hawng hunah kha damdawi inenkawlna kawnga sum tam tak seng a ni hlak leia mi naran le mi

rethi han harsatna an tuok hlak na thwah mitinin man tlawm lema damdawi an ienkawl theina dinga doctor han an damnaw en hai damdawi man tlawm lem generic drugs chau an pek/ prescribe theina dinga legal framework siem a ni ding thu a lo hril ta a nih.

Hi chungthua hin MCI chun Indian Medical Council Regulations kmaw n a siemt ha ta thu a hril a. Sawrkar khawmin National List of Essential Medicines 2016 a enawm ta baw k a nih.

Railways in long distance trains ah AC coaches

NEW DELHI: Indian Railways chun hmun kar hla (long distance trains) a tlan Rel haiah Air-conditioned (AC coaches) pathum sie belsa a tum. Hi thil hi AC coach a chungu nuom mi an hung pung pei leia thaw tum a nih.

April 1, 2016 a inthawk March 10, 2017 inkar sung khan long-distance trains haia 3AC coaches- a chungu passenger 17 percent an tling phak a, hi dungzuia Railways in passenger haia inthawka Rel chungumana sum a hmu popo laia 32.60 percent chu AC coaches chungomana inthawka a hmu a nih. (PTI)

Sonia in President Common Candidate ding

NEW DELHI: July 24, 2017 a President ni lai mek Pranab Mukherjee hun (term) tawp ding le inza- wma India President thar ding thlangna hung um dinga Opposition party tum tum han common candidate an nei theina dinga Opposition party lien tak Congress Chief Sonia Gandhi hma la dinga vawi tam tak an nawr hnungin Pi So- nia Gandhi chun common consensus candidate ding a ngaituo mek a. Hi le inza- wma hin party tum tum leaders hai kokhawmin zani hmasa kha meeting a neipui tah.



Ms Sonia Gandhi chun zani hmasa khan Bihar CM

ngaidan khawm an dawn a, BJP khing dingin Opposition parties hai po poin thngaruol an nuom thu Nitish hin So- nia kuomah a hril a nih.

Opposition hai thngaruol- na ding thu hin Nitish chun tuta hma kha Pawar bawh HD JD-S, BJD le CPI(M) hotuhai khawm inzingutin a lo inhmpui ta a nih.

Opposition President common candidate ding hin JD(U) President Sharad Yadav an ruot el theia hrielrik a ni a, senior Congress leader KV Thomas chun common candidate ding hin regional leaders Pawar le Mamata Banerjee hai hming a hril ri baw k.

WB in National Waterways a dingin dollar 375 million

NEW DELHI: World Bank (WB) chun India rama inland waterways project sukhmasawna dingin Jal Marg Vikas Project (JMVP) hnuoia National Waterway-1 a hmgai dingin dollar 375 million loan hung pek a remtith.

Sawrkar thlungpui chun Ganga vadung hmanga Haldia le Varanasi hai lawnga infepawna dinga NW-1 hi a siem a ni a, hi project hin multi-modal terminal pathum nei a ta, chuonghai chu Varanasi

(Uttar Pradesh), Sahib- ganj (Jharkhand) le Haldia (West Bengal) haiah pakhat seng um a ta, sumdawn- na lawng 1500-2,000WT chen phur thei hai intawl theina ding hisap a nih.

Hi baka hin sawrkar thlungpui chun India rama a hmasatana dingin NW-1 a hin River Information Service System (RIS) an din thei ding a nih. Hi project hin sumdawnna lampui thar a hung inhawng pha ding bakah sin tam tak a siem baw k dinga beisei a nih. (ENS)

Afghan Bomb Thina Tuok 140 Tling

KABUL: Afghanistan military base bei lai po poa chu a la rapthlak tak nia hriet, Zirtawpni kha Taliban helpawl han Afghan sipaihai hmunpui an beinaa mithi an la pung peia, hi thu su che- nah chu mi 140 an tling tah. Sipai hotuhai chun mithi zat hi an la pung belsa pei an ring thu an hril.

Afghanistan hmartienga Mazar-i-Sharif khuoa official pakhatin a hril dan chun, Afghanistan sipaihai anga inthuum Taliban helpawlhai chun sipaihai hmunpui an hung bei a. A hmunah sipai 140 an thi ngahl a, tamtak an hliem baw k. Helpaw- haiin Army an beinaa chu a rapthlak tak a la nih tiin a hril. Sawrkar chun mithi zat

official-in a lan suo nawh.

Washington thusuok ruok chun mithi zat hi sipai 50 an nih a ti h a, hliem zat a hril nawh. Mita hmutu official pakhatin a hril dan chun, Afghan sipai anga inthuum Taliban helpawl 10 vel chu motor haia hungin sipaihai thenkhat bu an fak lai, t henkhat Mosque a inthawka tawngtai zoa an hung suok lai chu an hung kap hrut a. A hmunah 100 neka tam chu an thi ngahl a nih tiin a hril. Taliban helpawl hai hin rifle bakah rocket-a kap suok grenades hai an hmgai a nih.

Inrinni-a Taliban helpawlhai thupesawngtu Zabihullah Mujahid thusuokin a hril dan chun, hi beina hi Taliban hai hotu

thenkhat Afghanistan hmartieng biela sipaiin an thathai phuba lanka a nih tiin a hril. Hi thu le inzwam hin NATO thui military coalition chun hilai biela Afghan sipaihai thangpui dingin sipai iemani zat a tirlu a. Inbeinaa hin international force hai ruok chu an thngaw niin a hril.

Afghan National Army (ANA) hai hi kum iemani zata inthawk kha Western rambunghai leh thanguolin an rama Taliban le helpawl hran hranhai do hrwan tah an nih a. Chuong sa khawm chun helpawlhai hi an tukdawl hne el bik naw a nih. Tuta beina hi Afghan history ah chu a rapthlak tak la nia hriet a nih (AFP).

Muong Taka Inremna Beisei A La Um: Pence

SYDNEY: US Vice President Mike Pence chun, tulaia North Korea chungchanga indona suok vng vanga boruok sosang zing lain, hi lai biela inremna le muongna chu tharum hmgai lova lan umtir nawk dan a um el thei a nih, tiin Australia Prime Minister Mr Malcolm Turnbull leh Sydney ah an inbiok zoa press hai a pawlna chun a hril.

Ni 10 sung cham dinga hi lai biel fang dinga inzin Mr Mike Pence chun, North Korea khapdeina dinga China khawm a hung inrawl tum mek lein tharum hmgai kher lovin inremna le muongna a um thei a beisei thu a hril a nih. Hi hma met kha, President Donald Trump khawmin China a hung inrawl chun North Korea chu khapdei thei ni a ring thu a hril ta baw k.

Hienglai zing hin North Korea ruok chun April 25 nia Korea People's Army kum 85-na anniversary lawmna ding le inzwama inbut- saina chu ngawr takin a fepui zing a. A ralthuum tha neiha pholanga khawvel, abikin America a chona thu a khek suok pui zing zing anin a thaw nawk ngei ring lein South Korea ramri zula US le South Korea sipai umhai chu inral- ringtir zing an nih.

Mike Pence chun, “Tuchena China hmalaka chu tha kan ti h a. Hienga hma a lak pei thei chun, Korean Peninsula laia nuclear ralthuum t itumna le abikin North Korea nuclear program chu tharum hmgai lovin sukfel dan lampui a um



ka ring tlat a nih” tiin Mr Malcolm le joint press conference an neimaa chun a hril a. USS Carl Vinson air-craft carrier, Australia tuipui laia um khawm South Korea tieng kar thar khin a fe tah ding niin a hril a. “Ni tlawmte hnungah” Korean Peninsula a lut ta ding niin a hril.

Hienglai zing hin indo vuongna phurtu lawng chungu indo vuongna F/A-18E fighter plane pakhat, south Philippines lai enthlitlaia suok hung kir, tum tuma lawng a hung baw ding lain a vuong siet lein ama le ama him takin an khawdawk (eject) hman a. Pilot chu tui chungah a tla a, helicopter hmanga san- suok a nih tiin official thusuok chun a hril.

US hmalakna le inzwam hin North Korea chun hilai biela thil umdan chu a “derthawng” em em a, buoina suok that thei zing a nih tiin

a hril thung. Thawlenni khin US le South Korea han joint military exercise an zona ni a ta ding a ni le inruolin North Korea Army piengchampha 85-na lawmna ni char a ni baw k ding a ni lein thi iemani tak chu a um ring a ni thu 38 North monitoring group chun an hril.

Washington-a North Korea Monitoring Group hril dan chun, North Korea Punggye- ri nuclear test hmun lai thil chang vel a tam em em a, iem a na ti tak ruok chu hrietchieng thei a la ni naw thu a hril a. Hi lai kawlna hnaia China ramri tieng Chinese vuongna hai an vuong kuoal nasa em em ti hmu a ni baw k a. Thil iemani taka inringna chu niin an hriet.

China Defence Ministry thusuok chun, Korean border laia China sipaihai siemrel velna mei mei, normal combat preparedness a nih tiin a hril a. Russia khawmin, North Korea le an ramri lai sipai a sek lut tetu ti thu chu belchieng dawlo a nih tiin a lo hril ve.

North Korea chun, “US a inthawka invengna ding taw k Nuclear ralthuum chu kan nei zing a. Bei kan ni chun bei let vena ding hnetaw k zet ralthuum kan nei a. Indona a suok chun hnena chang ngei kan ti h kan hril ngam baw k. US le inbeinaa chun hnena kan chang ngei ding ti kan hril ngam, an theinghil thei tah lo ding, an inringlawk hmam kan bei ding a nih” tiin a lan hrosa zing a nih.



WASHINGTON: US Trump Administration chun President hmasa Barack Obama hun laia Surgeon General a ruot Indian-American General Vivek Murthy chu a sina inthaw k inban dingin an hrietir. Murphy hi tuhin US Public Health Service Commissioned Corps leader ni mek a ni a, Trump Administration-a insiemthatna tha taka a thangpui hnungin Surgeon General a nina inthaw k a hung inban a tul ta ding a nih. Murphy (39) hi US Surgeon General 19-na a ni a, Indian-American hai laia hiengang nina (posi- tion) chel hmasatka a nih. Surgeon General sin chel tanaw sienkhawm Commissioned Corps a member chu a la ni zing ding a nih tiin thusuok chun a hril. Tuta Deputy Surgeon General ni lai mek Rear Admiral Sylvia Trend-Adams chun Murphy hi a hung

thlakhlong ding a nih. Murphy hi Trump administration in Indian-American senior position chel a peithlak pahina ding a nh. Tuta hma kha US Attorney Preet Bharu chun an ban nuomnaw lein a sina inthaw k ban a lo nitah. (PTI)

Blake Lively Le Jessica Chawimawina Pek

LOS ANGELES: Hollywood A-list star Blake Lively le Jessica Chastain hai chu nuhmei le naupanghai dawm kang na dinga sinthawna philanthropy an support thatna lein an sinthaw hrietzingna dingin chawimawina inhlân an nih. Hieng tienga sinthaw t hahai chawimawina hunsere, *Variety*-in a buotsai "Power of Women" ti April 21 an neina huna inhlân an nih. Blake le Jessica ruol hin personality hransan, singer-actress Audra McDonald, television personality Gayle King, Viacom media executive Shari Redstone le Bill Clinton nauuna Chelsea Clinton, vice chair Board of the Clinton Foundation hai khawm an thang. Jessica Chastain chun nuhmeihai hrisêlna sukhmasawna dinga hmalâkna *Planned Parenthood* hi a hlakpui hle a, "Vawisuna sin ka nei theina san khawm a nih" tiin a hril.



College kai thei umsun, family planning-a dit thlang thei umsun ka nih" tiin *Planned Parenthood* a sawr tangkai zie *Reuters* a hril. Blake Lively chunaupang sex (child pornography) sukbona dinga a hmalakna Child Rescue Coalition le inzawma a sinthaw that leia chawimawina pek a nih a. Chawimawina dawngtuhai bu an fakpuina *Variety* buotsai, milâr le mi ropuihai um khâwmna "Power of Women", New York City ah a fe lain a "ving" hlea "an zak" niin an hril.



Hieng ang milien le mi ropuihai laia um ding hin tinna ka nei naw a. Annihai le hei um thlang hi phu kan ti naw taluo leiin ka ving deuva, kan zak deuh a nih" a ti h. Amiruokchu, Child pornography thua chu sukbo a ni dan ding thu tha tamtak a hril. Red Carpet a hung hraw lain reporter pakhatin "leng thuumhraw i ngaisang taka?" ti a lo indawn a.

William-in A Nu Diana Thi A Tuorna Hle

LONDON: Khawvelin an 'laln' an ti hiel, Lady Diana a hming inthang thatlai taka Paris car accident-a a thi, 1997 khan William chu kum 15 chauh a la nih a. A sangpa Harry kum 12 mi chauvin a nu thi leia "kum hni" zet lungril mumal nei lova, thluok sahala an vet vâng thu a hril zo hnunga 'mental health' thu le inzawma hmalâkna Heads Together an hlen tanna documentary an siem lain, a nu Diana thi a tuorna taluo leiin hun tawite la châwl dingin a hril a. Camera um nâwkna tieng a la châwl hâdam.



Mani nuhai thi tuor naw chu an um ring a um nawh. William khawm a sangpa nekina lungril a liena hrietthiemna a hau lem ti zing lain a nu Diana thi chun a lo thawng nasa em em a. A lungril na taluo leiin lungril sawla umhai an natna tuor a hrietthiempiu leiin chuong ang mihai thangpuina dinga hi hmalâkna hi thaw niin an hril.

promote-na dinga "Mind Over Marathon" a hawngna a hril dan chun, "Britain nu le paha, 'chungtieng hmur sukgara' inggup muta rawl insuo lo le nauhai mi nel naw dinga um hi ching ta nawng ei tiu. Ei baubai hawngin ei nauhai ve maw maw ei tiu. Nu le nau inbiokpaw naw taluo hin lungrila natna a siem thei a nih" tiin a hril. "Mi chi hransan hai ka kan kuola kan hmupuina haiah, in neilo kawthlera mi, in ropui sũang um, addiction centre, veteran welfare-a mihai khawm nisien 'lungril natna' hi a tlangpuina an nei chu a nih a. An hrsatna le buoinahai po po a tam lem chu lungrila natna (mental problem) a inthawka hung inthan deu vawng an nih" tiin a hril.

Kim Kardashian Hritlâng Lein a Cher Sawt

LOS ANGELES: Reality TV star le millionaire, Kim Kardashian chun a hritlâng leiin a chêr pha sawt niin a hril. A hritlâng taluo tuol suok pei lovin a um bâkâh a rikna khawm gîbs zetina tla hnuoi niin a hril. Zirtawpni zan kham zakuohnuoi hai le chauh a leng suok a. A zân zâl zakuo, a vâ vawng lace kekaw hnuoi le silk-bodice vev, phekhawkh hrii nei leh a figure nazlie a show a ni deuh tak. Hritlâng chun a suk chêr sawta a suknal sawt niin an lang.



Kum 36-a upa Kim chu zân zâl tâwm tuol suok mei mei amanih ti laiin, zal tâwm lêng ni lovin ruolhai ina bu fa dinga fe a nih lem a. Lampuiah cameramen han an lo hmu fuk hlau a, a vangduoi am a vângnei ti ding, an chêi dan nal danglam tak leh an pholang pha tah a nih. Hritlâng chu "balance diet" tha tak ang niin a hril baw, asan chu bu a du nawa a chêr sawt leiin. "The flu can be amazing diet. So happy it came in time for the Met lol #6lbsdown" tiin a post a. Khaw hnungah a post hi a delete nawka chu tamtakin an lo tiem hman tah a. A hritlâng suonlam a hmang tiin fans hai dem a hlâw a. Hung tung ding May-a 2017 Met Gala, New York City-ah hritlâng leiin a fans tamtak lungril a.

star ve tho Shawna Craig chun Kim Kardashian, a phing thep daka a nal zing theina ding le a dutusam ang takin, a pasal Kanye West leh nau pai pek (surrogate mother) a nuom niin a hril. Second Wives Club changut Shawna hin kha hma khawm kham a nauhrawn (step daughter) ta dingin nau a lo pai pek tah. Kim Kardashian hin nau pathumna ding a la dit thu a hril a. Amiruokchu, pathumna chen chu a ta dingin a tiem taluo tah leiin doktorin an phal ta nawh a. Nau a la dit si. Chu chu a lo hrietin Shawna Craig chun, Kim a pasal Kanye West leh a nau ding pai pek a nuom thu a hril a nih. Kim hin nau pahni Saint (1) le North (3) a pai khawmin a thawhla em em a, a thiipi vâng a nih. An ai pha "placenta accrete" an ti natna, naubawm (uterus)-a thil inbiel um, zun lampuia kawp, lai hrui inthawka nautehai chawmna a nei hlak leiin thiipi thei a nih a. Nau pai nâwk a tiem a nih. Kum 30-a upa Shawna hi "The Bold and the Beautiful" a changut Lorenzo Lamas nuhmei a nih a. Nau panga a nei tah. Pawisa dit lei ni lovin thangpui a nuom leia pai pek nuom niin an hril. Kimin iengtinam ngaidan a nei a ti ruok chu hriet a la ni nawh. Hienglai zing hin, reality

Margot le Ashley, TIME 100 MIP of 2017 ah

LOS ANGELES: Khawvêla magazine inlâr pawl tak TIME international chun 1999 a inthawka a lo thaw tah hlak angin, kum tina khawvêla mi inlâr le hlâwtling, kawng hransan fakzawngna le vântlâng ta dingin nau a lo pai pek tah. Kim Kardashian hin nau pathumna ding a la dit thu a hril a. Amiruokchu, pathumna chen chu a ta dingin a tiem taluo tah leiin doktorin an phal ta nawh a. Nau a la dit si. Chu chu a lo hrietin Shawna Craig chun, Kim a pasal Kanye West leh a nau ding pai pek a nuom thu a hril a nih. Kim hin nau pahni Saint (1) le North (3) a pai khawmin a thawhla em em a, a thiipi vâng a nih. An ai pha "placenta accrete" an ti natna, naubawm (uterus)-a thil inbiel um, zun lampuia kawp, lai hrui inthawka nautehai chawmna a nei hlak leiin thiipi thei a nih a. Nau pai nâwk a tiem a nih. Kum 30-a upa Shawna hi "The Bold and the Beautiful" a changut Lorenzo Lamas nuhmei a nih a. Nau panga a nei tah. Pawisa dit lei ni lovin thangpui a nuom leia pai pek nuom niin an hril. Kimin iengtinam ngaidan a nei a ti ruok chu hriet a la ni nawh. Hienglai zing hin, reality



thlaa a hmaia ben ngam ngat nuhmei a nih a, a huoisin hle a nih. A huoisin zie hi a mak a nih" tiin director Martin chun a hril. Kha china inthawk kham a hung inlara, a hung hlu tah em em a nih. Margot hi British director Tom Ackerley leh December 2016 kham private-in Byron Bay ah an innei a. A film thar tak ding chu "Terminal" le skater hmingshang Tonya chanchin "I, Tonya" hai an nih.

Khloe Kardashian, Pavement ah Cat Walk

LOS ANGELES: "Keeping Up With The Kardashians" star le "Revenge Body" program-a hmathuoi tu le mikuhoitu (host), plus-size le nu thau deu tahai le mâni taksa piengzie inzapuoi hrisêlna inzapui lo ding le huoisin taka mâni nina ang ang inpholang ngam dinga mi chopurtu, reality TV star ni baw, pieng nal zet el model Khloe Kardashian chu Zirtawpni kham Los Angeles kawthlêrah a sen vawnga inchein bazar a kaia. An cheidan a ho a anga chu a sexy-in a pieng nal zie a pholang chieng hle.



sen ang chara senin a kuttin hai khawm an sen a, tarmit dum bunin an cheinaa a sen naw chu a phekhawkh Zebra vun eng-tiel hieu hieu char chu a nih. Cara a inthawka a hung suok char chu cameramen han an

hnawtzui char char el a nih. Thawtanni kham Khloe hmanga weight loss program "Revenge Body" chun Episode pariet nei a ta, Khloe chu Host le executive producer a nih ding niin E! News chun a hril. Khloe chun, "Mi dang, mâni le mâni insemtha nuomhai t hangpui thei dinga ka um hi lâwmum ka ti h. An hmalâkna le lamtuongah t hangpui theitu ding anga ka um hi ka uong a nih" tiin a hril. Executive Vice President, Programming and Development, Jeff Olde chun, "Season thar ah Khloe Kardashian tharin "Revenge Body" ei hei tan nâwk el ding hi ka tha a fan takzet a nih" tiin a hril. Revenge Body hin model hai chun mâni taksa inzapuoi el lova, an model career-a in theang lien pei dan ding le an hrsatnahai thangpuina dingin TV program a buotsaipek hlak a nih.

FA CUP SEMI FINAL PREVIEW

English Football Association Cup tia hrietlâr FA Cup hmawrbâwk a tlung t ep tēp tah a. Vawizan hin Arsenal le Manchester City Semi Final pahina inkhel an tih. Anni pahni hin Premier League tieng beisei an nei ngam ta bek bek naw lei hin FA Cup bek chu lak tumin theitawp suo ngei an tih. City hi tuhin Premier League tieng pahina an ni mek a, pakhatna Chelsea nekin point 11 tawpin an inhuoi lem a. Arsenal khawm parukna dei niin pahatna nekin point 18 tawpin an inhuoi lem baw. Chuleiin an pahni hni hin FA Cup bek chu an lak tum ngei ring a um a, an player nei tãh tha hung vawrdawk bawk an tih. Arsenal chun Theo Walcott an nei a, an suog hle baw. Ama khawm kum dang nek takin tukum a khel tah.



tak a nih bawk," tiin a hril. Arsenal hi tulai hna an khel tha bek bek naw a, Champions League tieng Bayern Munich-in an sawp hrep a, anachu Premier League game nuhnung takah Middlesbrough 2-1 in an hne hram a, hi lei hin an inring tawk hle ring a um.

City ta ding khawma an Coach Pep Guardiola Season hmasa takah Cup pakhat khawm la lova an um ding ding naw sukchiengna ni bawk a tih. Guardiola chun, "Title lak hin Club ta dingin inringzona a mi pek a, in-el dingin thil ropuitak ei thaw theizie a suklang bawk," tiin a hril.

Arsenal le Manchester City hi wawisun chen hin wawi 171 an inhmatawn ta a, chulâa wawi 87 chu Arsenal an hrat lem a, Manchester City wawi 42 an hrat ta bawk bakah wawi 42 an in-angtawk tah. Head to head an chun Arsenal hrat lem dinga beisei le ringum lem an nih. Anachu head to head ringawng ring thei an nawh. Tum Final kai lem ding ti chu wawizan lo hei an phawt ei tih.

Vawizan El Clasico



Khawvel mipui an nuom le ngahakha em em La Liga El Clasico chu wawizan zanril 12:15 hin inkhel ning a tih. Hi innawna pawimaw zie hretu Barcelona star player Andres Iniesta chun an chance nei nuhnung tak a nita leiin an hne ngei a ngai thu hai hriin inkhel pawimaw tak a ni zie a sukchieng hle. Hi match pawimaw tak inkhel ding hin Real Madrid Khelmualah Barca hai zin an tih. Real Madrid-in match pakhat inkhel tlawm lem pumim La Liga table-ah hma an thuo mek a, Catalan club hai hin hrata an chang zo naw a ni chun point rakin Real hai an tlahnouoi san ding tina a ni a, Barca ta dingin hrat makmaw a nih. Barcelona-in Juventus an hne naw leiin Champions League-ah beisei an nei tah naw a, Real ruok chu Bayern Munich hnein semifin an lutfel thung. Barca ang club ta din-

gin Champions League le league nomawi chawi thak loa season hang mangtha ding chu a mawi naw hle a, season tawpa suok ding manager Luis Enrique ta ding khawmin muolpho tlak hle'ng a tih. Real Madrid ta dingin thu hriet nuom utak chu Barcelona-in an player pawimaw Neymar chu hremna leiin a sawr thei naw ding ti hi a nih. Brazil captain hi Malaga laka an tlawm tuma ngeim taka fourth official kut a ben khum leia match 4 inkhel thei lo dinga hrem niin. Catalan club haiin hremna an tuok hi ngaituo nawn dingin thu thelut hai sien khawm pawm pek an ni hri naw a nih. Hienglaizhin hi Barcelona midfielder Ivan Rakitic chun an player pawimaw Neymar thang naw khawmin hrata an chang thei thu a hril a, "Player pawimaw a nizie hi hri naw ngai a nawh. Amiruokchu, Ney-

mar thang naw khawmin hrata kan chang thei ti hi kan suklang rawp ta a nih. Inringtawka nasa tak leh Santiago Bernabeu hi pan kan ta, Neymar ta di'n hrata chang kan nuom a nih," tiin a hril. Player pawimaw Messi le Ronaldo hai enin, Lionel Messi-in tuta season-ah hin goal 45 a thun tling der tah a, Cristiano Ronaldo-in goal 31 a thun ve thung. El Clasico-a goal thun tamtak chu Messi niin goal 21 a thun tah a, hieng hai lai goal 10 hi league-a an innawr nuhnung 16-a a thun a nih. League match 16-ah hin Ronaldo in goal 8 a thun ve thung.



David Goffin-in Novak Djokovic hneban



MONTE CARLO: Serbian tennis hlapthiem Novak Djokovic chun a khangpui David Goffin chun hne zo loin Monte Carlo Masters a'nthawk alo tlaflah tah. Quarter final match-ah hin Goffin hin Novak hi 6-2, 3-6, 7-5in a vuokdaw ka nih. Djokovic bakah hin nomawi chawi dinga beiseia um world number one Andy Murray le seeded pathumna Stan Wawrinka hai khawm anlo tla tah bawk a nih.

Seeded 10-na Goffin hi wawi 10 zet Grand Slam lo championta Djokovic lo a hawt phakna dingin match point panga ala dit a, Djokovic lakah hin wawi nga zeta lo tlawm ta a nih. Pathienni zan hin final inkhel ning ata, semi-final hi zani zan kham wawi kuo zet lo champion ta Rafael Nadal le inkhelin, chanchin ei ziek chena hin a hrat lem hriet a la ni naw leiin pakhat lem lem hi final kai dinga beisei an nih.

Kapthuum Memorial Team, United Khawzim Brothers le Korte Brothers an hrat



Hmar Martyrs' Trophy a wawi 14-na fe mekah zani kham inkhel pathum a um a. Pool G-a um United Khawzim Brothers le Young Brothers Club Saikaw an inkhel a, UKB chun 3-0 in an hne a, inkhel hmasak kham point pathum bawk an lo hmu ta leiin tuhin UKB chun point paruk an nei mek. Pool G-a hin team panga an um leiin knockout kai ding le ding naw a tu tu

khawm a la chieng nawh. Pool G-a mi bawkh Shanveng FC le Kapthuum Memorial Team an inkhel hne a, KMT hin 4-2 in an hne baw. Shanveng FC hi wawihni inkhelah wawikhat khawm an la hrat naw a, KMT ruok chu wawikhat an hrat naw a, wawikhat an hrat tah. A tawpna takah Pool H-a um Korte Brothers Club le FAST B Rengkai

an inkhel a, FAST 'B' chun 1-0 in an hne. Fast 'B' ta dinga goal umsun le hrata goal thuntu chu Jehova a nih a, minute 43 naa a thun a nih. Hi dungzui hin Pool H-a hin knockout kai ding a la chieng naw a, Korte Brothers Muvanlai FC ti naw FAST 'B' le Lenlai Club wawikhat ve ve an hrat ta a, an reng hin knockout kai theina an la nei seng tina a nih.

Redknapp-in hlaw la tum lo

Birmingham City manager thar Harry Redknapp chun a club thar hai chu Championship-ah an bankaipui zo naw a ni chun hlaw lak a tum naw thu a hril! Championship-ah hi club 24 an um a, a hnuoi tieng club pathum hai chu League One a tla thla dinga um an nih. Birmingham hai hin 20-na hmun an hluo meka relegation zone a'nthawk an himna ding chun point thum chau bak tain match thum chau inkhel hmasak um an nih. Redknapp chun, "Bonus dawng ding khawm kan nei



a, cheng tam tak ruok chu an nawh. Amiruokchu, club neituhai kuomah ka hril nuom chu Championship-ah ka rawihai kan bankaipui zo naw an chun hlaw la loa um ka nuom lem," tiin a hril. Tottenham Hotspur boss

hlui hin season hmasa kham Derby County-ah adviser sin a lo chel hlak a, hi hunlai khawm hin playoff a thuii tung naw a ni chun hlaw a lak naw ding thu Derby hutuhai a lo hril ta reng a nih.

FOOTBALL FIXTURE Super Sunday, 23 April 2017 PREMIER LEAGUE	
18:45	Burnley Vs Manchester United
21:00	Liverpool Vs Crystal Palace
PRIMERA DIVISION	
00:15	Espanyol Vs Atlético Madrid
15:30	Real Sociedad Vs Deportivo La Coruña
19:45	Celta de Vigo Vs Real Betis
22:00	Las Palmas Vs Deportivo Alavés
I-LEAGUE	
16:30	East Bengal Vs Minerva Punjab
19:05	Mumbai Vs Shillong Lajong
FA CUP	
19:30	Arsenal Vs Manchester City